



# Rimnada sistemica da dretg communal dalla vischnaunca da Sagogn

---

**Nummera** 3290.01.01

**Tetel** Uorden da susteniment d'affons

**Ediziun** Revisiun dils 03.11.2017  
Ediziun dils 16.04.2015

Ediziun dils dils 10.12.2012  
Ediziun dils 27.11.2006

**Valeivel** 01.01.2018

## **Remarcas preliminaras**

Ord motivs da simplificaziun serefereschan indicaziuns da persunas, funcziuns e mistregns en questa publicaziun uffiziala mintgamai sin omisduas schlatteinas, expriu ch'ei vegn menziunau explicit zatgei auter.

Davosa correctura informala 07.11.2017 tras Thomas

## **Cuntegn**

<b>I. Intent</b>	<b>3</b>
<b>II. Contribuziun</b>	<b>3</b>
<b>III. Determinaziuns finalas</b>	<b>4</b>

## I. Intent

Intent

### Art. 1

<sup>1</sup> Quei uorden reglescha la contribuziun per affons e giuvenils dalla vischnaunca da Sagogn che fan part regularmein ad uniuns che scoleschan, promovon e sustegnan lur commembers el sector da sport e cultura, qvd. cudischaziuns sin conto 3290.3636.04

<sup>2</sup> La contribuziun finanziaria duei gidar e sustener las uniuns da sport e cultura che s'engaschan en favur dils affons.

<sup>3</sup> Quei uorden sebasia sin ina interpellaziun dalla radunonza communal dils 26 da november 2004, tractanda 4.

## II. Contribuziun

Dretg da contribuziun

### Art. 2

<sup>1</sup> Affons e giuvenils denter 5 e 16 onns (onn digl anniversari) cun dimora (scartiras) ella vischnaunca da Sagogn han il dretg da far diever da quella contribuziun per "lur" uniun.

Intschess cumpigliau

### Art. 3

<sup>1</sup> Ad uniuns ch'ein activas denter e cun las vischnauncas da Glion e Flem e che corrispundan allas pretensiuns digl artechel 1 e 2 da quei uorden, astga la vischnaunca rembursar annualmein ina contribuziun el num digl affon.

Contribuziun annuala

### Art. 4

<sup>1</sup> La contribuziun munta a frs. 50.00 per onn, uniun ed affon ni giuvenil.

<sup>2</sup> Il sustegn vegn sil pli bia pagaus ora a treis uniuns pro affon.

Annunzia per in  
susteniment

**Art. 5**

<sup>1</sup> Mintga uniun ch'ei autorisada tenor art. 1-3 e giavischa ina contribuziun, sa far valer il susteniment tochen ils 30 d'october digl onn current alla canzlia communal da Sagogn.

<sup>2</sup> L'annunzia ha da cuntener:

- 1) Uniun
- 2) Num
- 3) Prenom
- 4) datum da naschientscha
- 5) Adressa

<sup>3</sup> Alla damonda ei d'allegar in cedel da pagament.

Pagaments

**Art. 6**

<sup>1</sup> La vischnaunca paga la contribuziun mo all'uniun. Ei vegn buc pagau ora direct ad in affon.

### III. Determinaziuns finalas

Vigur

**Art. 7**

<sup>1</sup> Quest uorden entra en vigur suenter ch'el ei vegnius approbaus dalla suprastonza communal.

<sup>2</sup> Quest uorden remplazza tutts uorden anteriurs.

<b>Ediu tras</b>			
<b>Acceptau tras</b>	Suprastonza communal	<b>ils</b>	07.11.2017
<b>Controllau tras</b>			
Publicaziun uffiziala dalla vischnaunca da Sagogn.			